

**SESIÓN ORDINARIA DA XUNTA DE GOBERNO LOCAL CELEBRADA O DÍA 6 DE XULLO
DE 2017.-**

ÍNDICE DE PUNTOS

PUNTO PRIMEIRO.- ACTAS ANTERIORES.-.....	3
PUNTO SEGUNDO.- MODIFICACIÓN DE LICENZA DE OBRA.-.....	3
PUNTO TERCEIRO.- LICENZA DE OBRA.-.....	4
PUNTO CUARTO.- LICENZA DE PRIMEIRA OCUPACIÓN.-.....	8
PUNTO QUINTO.- SEGUNDA CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA A ADXUDICACIÓN DO SERVIZO DE PSICOMOTRICIDADE EDUCATIVA E PREVENTIVA DO CONCELLO DE AMES POR NON QUEDAR ACREDITADA A CAPACIDADE PARA A PRESTACIÓN DO SERVIZO POLO LICITADOR CLASIFICADO EN PRIMEIRO LUGAR.-.....	9
PUNTO SEXTO.- CONFORMIDADE COA EXECUCIÓN DA OBRA AMPLIACIÓN ABASTECIMENTO DE AUGA EN GUIMARÁNS E QUISTILÁNS INCLUÍDA NO PAI ADICIONAL 1/2016.-.....	12
PUNTO SÉTIMO.- CONFORMIDADE COA EXECUCIÓN DA OBRA CAMIÑO DE POUSADA Á CAPELA DE XAN XOANCIÑO E OUTRO INCLUÍDA NO POS ADICIONAL 1/2016.-.....	13
PUNTO OITAVO.- APROBACIÓN DO PROXECTO REFUNDIDO DE MELLORA E ACONDICIONAMENTO DE SALA DE USOS MÚLTIPLES NO CEIP DE BAROUTA.....	13

SESIÓN ORDINARIA DA XUNTA DE GOBERNO LOCAL DO DÍA 6 DE XULLO DE 2017.-

Na Casa Consistorial de Ames, sendo as nove horas e trinta minutos (9:30 h) do día seis (6) de xullo de dous mil dezasete (2017), reúnese a Xunta de Goberno Local deste Concello en sesión ordinaria de primeira convocatoria, baixo a Presidencia do alcalde, José Manuel Miñones Conde, e coa asistencia dos/as tenentes de alcalde, Genma Otero Uhía, David Santomil Mosquera, José Blas García Piñeiro, M^a Isabel Vaquero Quintela e Luísa Feijóo Montero.

Non asiste, pero xustifica a súa ausencia, Silvia Dapena Liñares

Actúa de **secretaria** a secretaria accidental, Concepción Vilas Cantelar.

PUNTO PRIMEIRO.- ACTAS ANTERIORES.-

O señor presidente pregunta aos asistentes se teñen algunha alegación que formular a acta da sesión anterior, correspondente á **sesión ordinaria do 29 de xuño de 2017**, e que foi distribuída con anterioridade, en cumprimento do establecido no artigo 91.1 do Regulamento de organización, funcionamento e réxime xurídico das entidades locais, aprobado polo Real decreto lexislativo 2568/1986 de 28 de novembro (ROF).

Non formulándose alegacións polos asistentes, a Presidencia declara aprobada a acta por unanimidade.

PUNTO SEGUNDO.- MODIFICACIÓN DE LICENZA DE OBRA.-

A Xunta de Goberno Local de 2 de febreiro de 2011 concede a [REDACTED]

O 23 de marzo de 2016 a interesada presenta proxecto de obra en formato dixital, debido á non correspondencia da obra executada ca autorizada en XGL de 2 de febreiro de 2011.

Figuran no expediente informes favorables da arquitecta municipal e da asesora xurídica de Urbanismo. Figura tamén a conformidade da Intervención municipal ás consideracións tributarias deste expediente.

Expediente 2016/U022/000025

Qualificación polo PXOM: [REDACTED]

Parcela: [REDACTED]

Referencia catastral: [REDACTED]

Descrición das obras e cumprimento da normativa: [REDACTED]

[REDACTED] co autorizado en Xunta de Goberno Local de 2-2-11 co recollido proxecto básico e de execución redactado por Fernando Losada Liste visado 12-1-11. [REDACTED]

Orzamento de execución material da obra xa ampliada: 144.285,00 €

En aplicación da Ordenanza fiscal reguladora da taxa pola expedición de licenzas urbanísticas, efectuouse un ingreso por un importe de 64,57 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

Primeiro.- Autorizar, salvo o dereito de propiedade e sen prexuízo do de terceiro, a [REDACTED]
[REDACTED] á citada interesada pola Xunta de Goberno Local en sesión

do 2 de febreiro do 2011 para construción

Segundo.- A eficacia da licenza concedida, maila autorización da presente modificación, segue a estar supeditada ao cumprimento das condicións nela impostas. E, polo que refírese ao deber de cesión para viario pendente de formalizar en documento público cómpre apuntar que a franxa a ceder deberá atoparse libre de calquera instalación ou elemento que resulte incompatible co destino a viario público ao que está afecta, clarexando a superficie cun plano compatible co contido no proxecto.

Lémbrense a obriga legal de instar no Catastro Inmobiliario o procedemento de incorporación que corresponda pola modificación do inmovible derivada da actuación para a que se concedeu a licenza de obra 456/2010 e modificación desta agora autorizada 2016/U022/000025.

Terceiro.- Aprobar a liquidación do imposto sobre construcións, instalación e obras (ICIO) complementaria á liquidada con carácter provisional no momento de conceder a licenza, segundo o seguinte detalle:

Orzamento de execución material declarado ao momento de solicitar a licenza (base imponible da "Liquidación provisional a conta")	134.697,00 €
Orzamento de execución material declarado ao momento de solicitar a aprobación do proxecto modificado (base imponible da liquidación provisional complementaria)	144.285,00 €
Incremento do orzamento	9.588,00 €
Tipo a aplicar	2%
Importe da liquidación complementaria do ICIO a ingresar (tipo % incremento do orzamento)	191,76 €

O anterior debe entenderse sen prexuízo da liquidación definitiva que, no seu caso, sexa ditada no marco co correspondente procedemento inspector, nos termos do artigo 103 2 a) da Lei 58/03, de 17 decembro, xeral tributaria.

Cuarto.- A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de (6) seis meses e o de terminación de (3) tres anos dende a data do seu outorgamento e non poderá interromperse por un período superior a (6) seis meses.

PUNTO TERCEIRO.- LICENZA DE OBRA.-

1.- Dáse conta da solicitude presentada por

Figuran no expediente informes favorables da arquitecta municipal e da asesora xurídica de Urbanismo. Figura tamén a conformidade da Intervención municipal ás consideracións tributarias deste expediente.

Expediente 2017/U022/000013

Cualificación polo PXOM:

Superficie construída: 162,53 m².

Altura, volumes e ocupación da parcela permitidos: Altura máxima 7m e ocupación máxima: 30%.

Presuposto de execución material segundo o proxecto: 117.350,00 €.

Nome ou razón social do promotor: Agralia Proyectos Inmobiliarios S.L.

Técnico autor do proxecto: Laura Reboredo Suárez (arquitecta colexiada 4496).

Descrición das obras:

En aplicación da Ordenanza fiscal reguladora da taxa pola expedición de licenzas urbanísticas, efectuouse un ingreso por un importe de 193,71 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

Primeiro.- Conceder, salvo o dereito de propiedade e sen prexuízo do de terceiro, [REDACTED]

Segundo.- A eficacia da licenza concedida quedará supeditada ao cumprimento das seguintes condicións:

As sinaladas no informe da arquitecta municipal:

- Antes do inicio das obras presentará aval ou fianza, como garante da reposición de danos na vía, conexión a servizos e reposición do fronte por importe de mil cincocentos euros (1.500 €).
- Conectará cos servizos urbanos na vía; saneamento separativo; pluviais e fecais, auga potable, etc. e reporá os elementos deteriorados en consecuencia.
- A ubicación/ocultación da unidade exterior de instalacións de aerotermia garantirá a integración ambiental.
- Disporá superficie de mínimo 1 praza de aparcamento na parcela en cumprimento do Art. 7.8.10. do PXOM.
- O proxecto non prevé alteración da rasante do terreo nin peche da finca.
- A obra deberá axustarse ao proxecto en base ao cal se lle outorga a licenza.
- Se o director da obra deixa de actuar nela poñerá en coñecemento do Concello. O propietario está obrigado a nomear e comunicar por escrito ao Concello novo facultativo director da obra.
- Disporase, a pé de obra, de copia autorizada da licenza municipal e do proxecto.
- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
- Ao remate das obras o propietario porá en coñecemento do Concello co certificado final de obra visado e asinado polos técnicos directores da obra. Non se concederá alta definitiva nos servizos municipais mentres non se teña obtido a pertinente licenza de primeira ocupación.
- Colocarase o cartel indicador de obra nun lugar visible dende o exterior.

As sinaladas no informe da asesora xurídica de Urbanismo:

- Os condutores de camións e os responsables das obras deberán coidar de que as rodas dos mesmos estean limpas de barro antes de acceder á vía pública, así como que a citada vía quede limpa.
- Instarase no Catastro Inmobiliario o procedemento de incorporación que corresponda pola modificación do inmovible derivada da actuación para a que se concede a presente licenza de obra 2017/U022/000013.

Cuarto.- A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de (6) seis meses e o de terminación de (3) tres anos dende a data do seu outorgamento e non poderá interromperse por un período superior a (6) seis meses.

Quinto.- Aprobar a liquidación provisional do imposto sobre construcións, instalacións e

obras (ICIO) que ascende á cantidade de dous mil trescentos corenta e sete euros (2.347,00 €).

2.- Dáse conta da solicitude presentada por [REDACTED]

Figuran no expediente informes favorables da arquitecta municipal e da asesora xurídica de Urbanismo. Figura tamén a conformidade da Intervención municipal ás consideracións tributarias deste expediente.

Expediente 2017/U022/000021

Cualificación polo PXOM: [REDACTED]

Superficie construída: 214,49 m².

Altura, volumes e ocupación da parcela permitidos: Altura máxima 7m e ocupación máxima: 30%.

Presuposto de execución material segundo o proxecto: 102.028,57 €.

Nome ou razón social do promotor: [REDACTED]

Técnico autor do proxecto: Alfonso Salgado Suárez (arquitecto Colexiado 1913), Francisco Liñares Tüñez (arquitecto Colexiado 2674).

Descrición das obras: [REDACTED]

En aplicación da Ordenanza fiscal reguladora da taxa pola expedición de licenzas urbanísticas, efectuouse un ingreso por un importe de 218,47 euros.

Vistos os informes técnico e xurídico favorables obrantes no expediente, que propoñen a concesión da licenza solicitada, a Xunta de Goberno Local por unanimidade dos seus membros presentes, e previa delegación da Alcaldía (decreto 480/2016), adopta os seguintes acordos:

Primeiro.- Conceder, salvo o dereito de propiedade e sen prexuízo do de terceiro, licenza de obra

Segundo.- Autorizar a división dos terreos destinados a viais e espazos libres, cunha superficie de 81,64 m² a efectos do cumprimento da obriga de cesión do artigo 24.2 LSG, cesión que condiciona a presente licenza e que deberá formalizarse en documento público que deberá achegarse coa solicitude de licenza de primeira ocupación.

Terceiro.- A eficacia da licenza concedida quedará supeditada ao cumprimento das seguintes condicións:

As sinaladas no informe da arquitecta municipal:

- Antes do inicio das obras presentará aval ou fianza, como garante da reposición de danos na vía, conexión a servizos e correcta execución do fronte por importe de tres mil catrocentos euros (3.400 €).

- Antes do inicio das obras presentarán oficio do nomeamento do coordinador de seguridade e saúde.

- Conectará con todos os servizos existentes no fronte da finca en cumprimento do establecido na lei do solo vixente; os municipais auga potable, saneamento de fecais e de pluviais (sen conectar pluviais coas fecais), electricidade e telefonía sen novos tendidos aéreos e acondicionará a ampliación de vía para o uso público segundo o entorno, canalizando a cuneta no fronte e dispoñendo canle para permitir o paso das augas de escorrenta da cuneta baixo firme. O pavimento sobre a canle debe contar cunha solución de previsible boa resistencia no tempo e que non dificulte o mantemento evitando grava solta para tránsito de vehículos. Se recuarán os postes e liñas aéreas da superficie de cesión, no seu caso e reporá os elementos deteriorados.

- A ubicación/ocultación da unidade exterior de instalacións de aerotermia garantirá a integración ambiental.

- Non se alterará a rasante natural do terreo nos lindes da parcela e calquera escavación ou movemento de terras preto no linde que proxecte a contención correspondente será executado por bataches ou asimilable garante de que non se produza o mínimo derrube na parcela colindante e de xeito que non se condicionen as condicións de execución do peche do colindante.
- A obra deberá axustarse ao proxecto en base ao cal se lle outorga a licenza.
- Se o director da obra deixa de actuar nela poñeralo en coñecemento do Concello. O propietario está obrigado a nomear e comunicar por escrito ao Concello novo facultativo director da obra.
- Disporase, a pé de obra, de copia autorizada da licenza municipal e do proxecto.
- Durante a execución da obra adoptaranse tódalas medidas de seguridade e saúde laboral establecidas na normativa vixente, tanto respecto á edificación como á vía pública. Escombros e provisións de materiais non poderán amorearse na vía pública. O entullo levarase a vertedoiro autorizado, de acordo coa normativa.
- Ao remate das obras o propietario porao en coñecemento do Concello co certificado final de obra visado e asinado polos técnicos directores da obra. Non se concederá alta definitiva nos servizos municipais mentres non se teña obtido a pertinente licenza de primeira ocupación.
- Colocarase o cartel indicador de obra nun lugar visible dende o exterior.

As sinaladas no informe da asesora xurídica de Urbanismo:

- Os condutores de camións e os responsables das obras deberán coidar de que as rodas dos mesmos estean limpas de barro antes de acceder á vía pública, así como que a citada vía quede limpa.
- Instarase no Catastro Inmobiliario o procedemento de incorporación que corresponda pola modificación do inmovible derivada da actuación para a que se concede a presente licenza de obra 2017/U022/000021.

Cuarto.- A licenza caducará por mor da demora na iniciación e finalización das obras, así como por mor da súa interrupción; sendo o prazo máximo de iniciación de (6) seis meses e o de terminación de (3) tres anos dende a data do seu outorgamento e non poderá interromperse por un período superior a (6) seis meses.

Quinto.- Aprobar a liquidación provisional do imposto sobre construcións, instalacións e obras (ICIO) que ascende á cantidade de dous mil corenta con cincuenta e sete euros (2.040,57 €).

PUNTO CUARTO.- LICENZA DE PRIMEIRA OCUPACIÓN.-

Dáse conta da documentación presentada por [REDACTED]

Achegan o correspondente certificado final de obra, asinado polos técnicos directores das obras e visado polos colexios correspondentes.

A licenza de obras foi concedida pola Xunta de Goberno Local na sesión celebrada na data do 2 de xuño de 2016 (expediente 2016/U022/000023).

Constan no expediente os informes favorables da arquitecta municipal e da asesora xurídica de Urbanismo. Figura a conformidade da Intervención Municipal ás consideracións tributarias deste expediente.

Figura aboada a taxa pola expedición de licenzas urbanísticas por importe de 96,85 €.

Expediente 2017/U007/000006

Vistos os informes técnico e xurídico favorables obrantes no expediente, que propoñen a concesión da licenza de primeira ocupación solicitada, a Xunta de Goberno Local por

unanimidade dos seus membros presentes, e previa delegación da Alcaldía (decreto 480/2016), acorda:

Primeiro.- Conceder, salvo dereito de propiedade e sen prexuízo de terceiro, [REDACTED]

Segundo.- Aprobar a liquidación do imposto sobre construcións, instalación e obras (ICIO) complementaria á liquidada con carácter provisional ao remate da obra e no momento de conceder a licenza. De acordo co indicado, esta liquidación responderá ao seguinte detalle:

Orzamento de execución material empregado no momento de conceder a licenza (base imponible da "Liquidación provisional a conta")	120.536,36 €
Orzamento de execución material declarado ao remate da obra (base imponible da "liquidación provisional complementaria	173.560,31 €
Incremento do orzamento	53.023,95 €
Tipo a aplicar	2 %
Importe da liquidación complementaria do ICIO a ingresar (tipo % incremento do orzamento)	1.060,48 €

O anterior debe entenderse sen prexuízo da liquidación definitiva que, no seu caso, sexa ditada no marco co correspondente procedemento inspector, nos termos do artigo 103 2 a) da Lei 58/03, de 17 decembro, xeral tributaria.

Terceiro.- Aceptar a cesión da franxa de terreo de 66,52 m² destinada a viais correspondentes á licenza 2016/U022/000023, [REDACTED] formalizada ante o Notario Francisco López Moledo o 8 de febreiro do 2017 (protocolo número 168).

Cuarto.- Formalizarase ante o Catastro Inmobiliario a declaración conducente a incorporación no mesmo da modificación do inmovible derivada da actuación para a que se concedeu a licenza de obra 2016/U022/000023.

Quinto.- Dar traslado á empresa concesionaria dos servizos de auga e saneamento, aos efectos pertinentes.

Sexto.- Facultar ao señor alcalde, para cantas actuacións sexan precisas para a mellor execución do acordado.

PUNTO QUINTO.- SEGUNDA CLASIFICACIÓN DE OFERTAS E REQUIRIMENTO DE PRESENTACIÓN DE DOCUMENTACIÓN PARA A ADXUDICACIÓN DO SERVIZO DE PSICOMOTRICIDADE EDUCATIVA E PREVENTIVA DO CONCELLO DE AMES POR NON QUEDAR ACREDITADA A CAPACIDADE PARA A PRESTACIÓN DO SERVIZO POLO LICITADOR CLASIFICADO EN PRIMEIRO LUGAR.-

O 8 de xuño de 2017 a Xunta de Goberno Local acordou a clasificación de ofertas e requirimento de presentación de documentación para a adxudicación, entre outros, do *Servizo de Psicomotricidade Educativa e Preventiva do Concello de Ames*, sendo notificado este acordo aos licitadores participantes no procedemento de licitación.

A empresa clasificada en primeiro lugar, OSVENTOS INNOVACIÓN EN SERVICIOS S.L., presentou no rexistro xeral o día 26 de xuño de 2017, con número 000/6809 a documentación requirida para proceder á adxudicación definitiva.

Na reunión da Mesa de Contratación celebrada o 3 de xullo de 2017 para a valoración da documentación presentada polo licitador clasificado en primeiro lugar, acordou, por unanimidade dos membros presentes, propoñer a exclusión da empresa OSVENTOS INNOVACIÓN EN SERVICIOS SL por non quedar debidamente acreditada a solvencia técnica e profesional e non

corresponder o obxecto social da empresa ca do servizo a prestar (Escritura de constitución da sociedade nº 1.294 outorgada ante notario Manuel Remuñan López) non quedando facultada para a prestación *Servizo de Psicomotricidade Educativa e Preventiva do Concello de Ames*.

Excluída a empresa clasificada en primeiro lugar procedese a efectuar unha segunda clasificación segundo os criterios establecidos nos Pregos de Cláusulas Administrativas Particulares, resultando a puntuación total obtida para cada un dos licitadores a seguinte:

EMPRESA	PUNTUACIÓN REFERENCIAS TÉCNICAS	PUNTUACIÓN OFERTA ECONÓMICA	PUNTUACIÓN TOTAL
FUNDACIÓN DE ESTUDIOS E ANÁLISES (FESAN)	30,00	30,06	60,06
MEDRANDO XUNTOS S.C.P.	49,00	0,00	49,00
ATLANTIC – PONTE 2000, SLU	16,00	21,73	37,73

En base ao anterior, e ao conxunto de antecedentes que figuran no expediente, a Xunta de Goberno Local por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

Primeiro.- A exclusión do procedemento de licitación do *Servizo de Psicomotricidade Educativa e Preventiva do Concello de Ames* á empresa OSVENTOS INNOVACIÓN EN SERVICIOS SL. por non quedar debidamente acreditada a solvencia técnica e profesional e non corresponder o obxecto social da empresa ca do servizo a prestar, non quedando facultada para a prestación *Servizo de Psicomotricidade Educativa e Preventiva do Concello de Ames*.

Segundo.- Proceder á devolución de oficio da garantía definitiva por un importe de 1.221,48 euros presentado por OSVENTOS INNOVACIÓN EN SERVICIOS SL efectuado ingreso mediante transferencia bancaria ao número de conta bancaria do concello número [REDACTED]

Terceiro.- Clasificar por orden decrecente de puntuación as empresas participantes no procedemento do seguinte xeito:

EMPRESA	PUNTUACIÓN REFERENCIAS TÉCNICAS	PUNTUACIÓN OFERTA ECONÓMICA	PUNTUACIÓN TOTAL
FUNDACIÓN DE ESTUDIOS E ANÁLISES (FESAN)	30,00	30,06	60,06
MEDRANDO XUNTOS S.C.P.	49,00	0,00	49,00
ATLANTIC – PONTE 2000, SLU	16,00	21,73	37,73

Cuarto.- Declarar que as características esenciais da referida contratación para o licitador clasificado en primeiro lugar Fundación de Estudios e Análises (FESAN), con CIF G-15597669 son as seguintes:

a) Prezo. A oferta dos licitadores son as seguintes:

Prezo/sesión alumno	3,67 €
---------------------	--------

Anualidade	Meses	Nº Sesións- alumno/ano	Prezo/sesión- alumno	CUSTO TOTAL/ANO
2017	outubro/décembro	1468	3,67 €	5.388,02 €
2018	xaneiro /maio e outubro/décembro	3915	3,67 €	14.368,05 €
2019	xaneiro / maio	2447	3,67 €	8.980,03 €

b) IVE. Este contrato atópase exento de IVE, de conformidade co establecido no artigo

20.1.9º da Lei 37/1992 do 28 de decembro, do imposto sobre o valor engadido.

c) Duración do contrato.

A duración inicial do contrato será de **DOUS ANOS**, podendo prorrogarse anualmente ata un máximo de CATRO ANOS, (incluído período inicial e prórroga) cumprindo así co establecido no artigo 303 do TRLCSP.

A prórroga será obrigatoria para o contratista.

A prestación do servizo será de outubro ata o mes de maio (ambos inclusive).

d) Resto de condicións. O adxudicatario deberá cumprir coas condicións fixadas nos pregos de cláusulas administrativas particulares polo que se rexeu o procedemento, así como coa proposición formulada.

Quinto.- Notificar o presente acordo aos licitadores.

Sexto.- No prazo de **dez días hábiles**, contados a partir do día seguinte ao da notificación do presente acordo, o licitador clasificado en primeiro lugar deberá presentar a seguinte documentación imprescindible para, de ser o caso, proceder á correspondente adxudicación:

A) Documento acreditativo da personalidade xurídica do empresario/entidade:

A-1) Empresario individual: fotocopia do NIF, pasaporte ou documento que o substitúa.

A-2) Persoas xurídicas:

- Fotocopia da escritura de constitución ou modificación no seu caso, inscrita no Rexistro Mercantil, cando este requisito fose esixible conforme á lexislación mercantil que lle sexa aplicable.

Se non o fora, escritura ou documento de constitución, de modificación, estatutos ou acto fundacional, no que conste as normas polas que se regula a súa actividade, inscritos, no seu caso no correspondente rexistro oficial.

No caso de asociacións bastará coa acta de constitución dos asociados. Tratándose de sociedades civís, acreditarase co contrato no que consten os acordos privados das partes.

- Fotocopia da tarxeta de código de identificación fiscal (CIF), debidamente compulsada.

A-3) Empresas non españolas de Estados membros da Unión Europea

A capacidade de obrar das empresas non españolas de estados membros da Unión Europea acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou un certificado, nos termos que se establezan regulamentariamente, de acordo coas disposicións comunitarias de aplicación.

A.4) Empresas non españolas de estados signatarios do Acordo sobre o Espazo Económico Europeo (Islandia, Liechtenstein e Noruega)

A capacidade de obrar destas empresas acreditarase mediante a inscrición no rexistro procedente de acordo coa lexislación do Estado onde están establecidos ou mediante a presentación dunha declaración xurada ou dun certificado, nos termos que se establezan regulamentariamente, de acordo coas disposicións comunitarias de aplicación (disposición adicional 14 TRLCSP).

A-5) Demais empresas estranxeiras

- Os demais empresarios estranxeiros deberán acreditar a súa capacidade de obrar cun informe da Misión Diplomática Permanente de España no Estado correspondente ou da oficina consular en cuxo ámbito territorial radique o domicilio da empresa.

- Informe de reciprocidade: as persoas físicas ou xurídicas de estados non pertencentes á Unión Europea deberán xustificar mediante un informe expedido pola Misión Diplomática Permanente Española, na que se faga constar que o Estado de procedencia da empresa admite á súa vez a participación de empresas españolas na contratación coa Administración en forma substancialmente análoga.

A-6) Disposición común a empresas estranxeiras (comunitarias ou non comunitarias): declaración de sometemento á xurisdición de tribunais e xulgados españois.

As empresas estranxeiras deberán presentar unha declaración de sometemento á xurisdición dos tribunais e xulgados españois de calquera orde, para todas as incidencias que de modo directo ou indirecto puidesen xurdir do contrato, con renuncia no seu caso, ao foro xurisdiccional estranxeiro que puidese corresponder ao licitante (art. 146.1.e da TRLCSP)

A-7) Empresas estranxeiras non comunitarias: sucursal en España

De acordo co art. 55.2 da TRLCSP, non se esixe dado que non se trata dun contrato de obras.

A-8) Imposto de Actividades Económicas

O empresario/entidade adxudicatario deberá achegar fotocopia do último recibo do Imposto sobre Actividades Económicas ou o documento de alta no mesmo, cando esta sexa recente e non xurdise aínda a obrigación de pago. O alta deberá achegarse, en todo caso, cando no recibo achegado non conste o epígrafe da actividade. Esta documentación estará referida ao epígrafe correspondente ao obxecto do contrato que lles faculte para o seu exercicio no ámbito territorial en que as exercen, debendo complementarse cunha declaración responsable do licitador de non darse de baixa na matrícula do citado Imposto.

B) Poderes

Cando o licitador non actúe en nome propio ou se trate de sociedade ou persoa xurídica, deberá acompañarse dun poder notarial ou bastanteo de poderes polo/a secretario/a da Corporación ou funcionario/a habilitado/a, para representar á persoa ou á entidade en cuxo nome concorre ante a administración contratante.

O poder deberá figurar inscrito previamente no Rexistro Mercantil nos casos en que dita inscrición sexa esixida polo Regulamento do Rexistro Mercantil.

C) Acreditación da clasificación

Ao tratarse dun contrato de servizos, non se require clasificación.

D) Acreditación de solvencia económica e financeira e solvencia técnica

Os licitadores deberán:

1. - Acreditar a solvencia económica e financeira por calquera dos medios a que se refire a 10.3. deste prego.
2. - Acreditar a solvencia técnica mediante calquera dos medios a que se refire a 10.3. deste prego.

E) Unións Temporais de empresas

Indicación dos nomes e circunstancias das empresas que a constitúen, participación de cada unha delas e compromiso de constituírse formalmente en UTE no caso de resultar adxudicatarias, de conformidade co artigo 59 da TRLCSP e cláusula 10 do presente prego.

F) Declaración de empresas vinculadas

No suposto de que a empresa concorra á licitación con empresas pertencentes a un mesmo grupo, nos termos a que se refire o art. 145 da TRLCSP, presentárase necesariamente unha declaración indicando esta circunstancia e o nome ou denominación social destas, debendo constar este documento en cada unha das ofertas formuladas por todas as empresas vinculadas que concorran á licitación

G) Rexistro oficial de licitadores e empresas clasificadas do Estado ou das Comunidades Autónomas e rexistro voluntario de documentación de empresas contratistas da Deputación da Coruña:

Os licitadores poderán indicar o rexistro no que estean inscritas, acompañando a correspondente certificación onde se recollan os puntos aos que se refire o artigo 328 do TRCLSP, en cuxo caso estarán dispensados de presentar os datos que figuren inscritos, sen prexuízo de que a Administración poida solicitar aqueles datos ou documentos que estime necesarios a fin de verificar ou comprobar a súa exactitude ou vixencia.

Con todo, aquelas empresas que con carácter voluntario figuren inscritas no Rexistro de documentación de empresas contratistas da Deputación Provincial da Coruña ou Rexistro/s similares, acompañarán unha copia do informe relativo aos datos inscritos ou simple referencia ao número de inscrición no Rexistro e, en consecuencia, as empresas que figuren inscritas no Rexistro de Contratistas da Deputación Provincial da Coruña (Ordenanza reguladora do rexistro de documentación de empresas contratistas da Deputación Provincial

da Coruña, do rexistro de contratos e do rexistro de convenios, publicada no BOP nº 64 con data do 20 de marzo de 1998) quedarán dispensadas de presentar os documentos referidos nos apartados A), B), C), D), E) e F), sempre que os citados documentos estean vixentes.

H) Certificado de atoparse ao corrente coa Seguridade Social

I) Certificado de atoparse ao corrente das súas obrigas tributarias co Estado

M) Seguro de Responsabilidade Civil

Deberá achegarse unha copia do contrato de seguro de responsabilidade civil cunha cobertura mínima de trescentos mil Euros (300.000 Euros), que cubra a totalidade dos posibles danos persoais e/ou materiais directos ou indirectos a terceiros ou bens que se poidan causar durante a execución do contrato.

N) Xustificante de ter constituída garantía definitiva

Deberá achegarse xustificante de ter constituída unha garantía definitiva polo importe de **1.436,81 Euros** (5% do importe de adxudicación, exento IVE). Esta garantía poderá presentarse nalguna das formas previstas no artigo 96 do TRLCSP.

O) Xustificante de ter aboado os gastos dos anuncios

Non existen gastos de anuncios.

P) Declaración de dispor efectivamente dos medios aos que se comprometeu a adicar ou adscribir a execución do contrato.

Q) Certificacións negativas do Rexistro Central de Delincuentes Sexuais de todos aqueles monitores que vaian a prestar o servizo.

Sétimo.- Facultar ao señor alcalde, para cantas actuacións sexan precisas para a mellor execución do acordado.

PUNTO SEXTO.- CONFORMIDADE COA EXECUCIÓN DA OBRA AMPLIACIÓN ABASTECIMIENTO DE AUGA EN GUIMARÁNS E QUISTILÁNS INCLUÍDA NO PAI ADICIONAL 1/2016.-

Dáse conta dunha circular, de data 30 de xuño de 2017, da Excm. Deputación Provincial de A Coruña relativa a elaboración do PAI Adicional 1/2016 para Concellos con baixas de licitación nas obras do Plan de Aforro e Investimento (PAI) 2016 e con obras no Plan Complementario. Na circular indícase que *“de conformidade co previsto na base 6 das Reguladoras do PAI 2016, aprobadas polo pleno de esta Deputación o 30 de decembro de 2015 (BOP 2, do 5 de xaneiro de 2016), esta Deputación vai a iniciar a elaboración PAI Adicional 1/2016, coa finalidade de reinvestir as baixas de licitación das obras do PAI 2016 dese concello mediante a aplicación ao financiamento dos investimentos previstos no Plan Complementario.”*

Por elo e á vista das baixas de licitación producidas na contratación das obras de reparación e acondicionamento do cemiterio municipal de Ames incluídas no Plan de aforro e investimento (PAI) 2016, a Excm. Deputación Provincial solicita ao Concello a conformidade coa execución da obra ou obras incluídas no Plan Complementario e que son as de “Ampliación abastecemento de auga en Guimaráns e Quistiláns (Bugallido), Concello de Ames”.

Á vista do anterior e dos presupostos de execución por contrata das devanditas obras, a Xunta de Goberno Local, por unanimidade dos seus membros presentes, previa delegación da Alcaldía (decreto 480/2016), adopta os seguintes acordos:

Primeiro.- Prestar conformidade coa execución da obra de “Ampliación abastecemento de auga en Guimaráns e Quistiláns (Bugallido), Concello de Ames” incluída no Plan Complementario do PAI Adicional 1/2016 e co seguinte orzamento:

DENOMINACIÓN DA OBRA	APORTACIÓN DEPUTACIÓN	APORTACIÓN MUNICIPAL	TOTAL
Ampliación abastecemento de auga en Guimaráns e Quistiláns (Bugallido), concello de Ames	40.559,96	0,00	40.559,96
TOTAIS	40.559,96	0,00	40.559,96

Segundo.- Dar traslado deste acordo á Excm. Deputación Provincial da Coruña aos efectos oportunos.

PUNTO SÉTIMO.- CONFORMIDADE COA EXECUCIÓN DA OBRA CAMIÑO DE POUSADA Á

CAPELA DE XAN XOANCIÑO E OUTRO INCLUÍDA NO POS ADICIONAL 1/2016.-

Dáse conta dunha circular, de data 29 de xuño de 2017, da Excm. Deputación Provincial de A Coruña relativa a elaboración da segunda fase do plan de obras e servizos complementario 1/2016 para Concellos con baixas de licitación nas obras do POS 2016 e con obras no Plan Complementario. Na devandita circular indícase que *“de conformidade co previsto na base 6 das Reguladoras do POS 2016, aprobadas polo pleno de esta Deputación o 8 de outubro de 2016 (BOP 196, do 14 de outubro de 2015), esta Deputación vai a iniciar a elaboración da 2ª fase POS Adicional 1/2016, coa finalidade de reinvestir as baixas de licitación das obras do POS 2016 dese concello mediante a aplicación ao financiamento dos investimentos previstos no Plan Complementario.”*

Por elo e a vista das baixas de licitación producidas na contratación das obras de gradas cubertas no campo de fútbol de Milladoiro, pavimentación aldea da Mámoa e interiores (Tapia) e Barreiro e camiño de Cruxeiras e entorno da igrexa de Ames e rúa Lodeiro incluídas no Plan de Obras e Servizos 2016, a Excm. Deputación Provincial solicita ao Concello a conformidade coa execución da obra ou obras incluídas no Plan Complementario e que son as de “Camiño de Pousada á Capela de Xan Xoanciño e outro, camiño de Oca a Igrexa e saneamento no núcleo de Susavila de Carballo”.

Á vista do anterior e dos presupostos de execución por contrata das devanditas obras, a Xunta de Goberno Local, por unanimidade dos seus membros presentes previa delegación da Alcaldía (decreto 480/2016), adopta os seguintes acordos:

Primeiro.- Prestar conformidade coa execución da obra de “Camiño de Pousada á Capela de Xan Xoanciño e outro” incluída no Plan de obras e servizos adicional 1/2016 e co seguinte orzamento:

DENOMINACIÓN DA OBRA	APORTACIÓN DEPUTACIÓN	APORTACIÓN MUNICIPAL	TOTAL
Camiño de Pousada á Capela de Xan Xoanciño e outro	52.061,36	0,00	52.061,36
TOTAIS	52.061,36	0,00	52.061,36

Segundo.- Dar traslado deste acordo á Excm. Deputación Provincial da Coruña aos efectos oportunos.

PUNTO OITAVO.- APROBACIÓN DO PROXECTO REFUNDIDO DE MELLORA E ACONDICIONAMENTO DE SALA DE USOS MÚLTIPLES NO CEIP DE BAROUTA.

O arquitecto Oscar Pidre Mosquera de Estudio Técnico Gallego, SA. redactou o proxecto de obra denominado **“Proxecto refundido de mellora e acondicionamiento de sala de usos múltiples no CEIP de Barouta”**, o cal conta cun presuposto de execución por contrata de 60.380.- Euros.

A obra está incluída no vixente orzamento municipal para o exercicio 2017, correspondéndose coa aplicación presupostaria 3231.63200.

Sendo intención deste Concello realizar a contratación das obras contidas no proxecto, procede en primeiro lugar, a aprobación do correspondente proxecto técnico citado anteriormente.

Visto o que antecede, e unha vez examinado o proxecto e considerando o informe favorable de supervisión do mesmo subscrito pola arquitecta municipal Marta Bellas Rodríguez, tratándose dunha obra incluída no vixente orzamento municipal para o exercicio 2017, e segundo establecido no Decreto 480/2016, de delegación de atribucións da Alcaldía na Xunta de Goberno Local, e demais lexislación concordante, a Xunta de Goberno Local, por unanimidade dos seus membros presentes, adopta os seguintes acordos:

Primeiro.- Aprobar o proxecto técnico denominado **“Proxecto refundido de mellora e acondicionamiento de sala de usos múltiples no CEIP de Barouta”** redactado polo arquitecto Oscar Pidre Mosquera e cun presuposto de execución por contrata de 60.380,00.- Euros.

Segundo.- Facultar ao señor alcalde, para cantas actuacións sexan precisas para a mellor execución do acordado.

E non habendo máis asuntos que tratar levántase a sesión ás dez horas, estendéndose a presente acta que asina o señor presidente, do que certifico.